

## Лучшай од ломаттнень — Ленинско-Сталинский комсомолть рядонзонды

Партия исторический XVIII съездотва меле комсомолть ролец кассь небывалай серс, кемокстась организационна, политический и кассь государственно-хозяйственной кизефконь разрешандамаса.

Комсомолсь арась настоящей вожакок аф союзной од ломаттнень йоткса, примеркс сембоса и аф стак комсомолть примеронзон коряс эрь кизоня аф союзной молодежи лучшай представителенза сувсикхь Ленинско-Сталинский комсомолть славной рядонзонды.

Областной комсомольский VII-це конференция отчетнай пинговэзда Мордовиянь комсомольский организациясь кассь 29831 комсомолец. Тя лувксть эса аф фкя сяда стахановец, тонафнемаса отличник, специалист, конат беззаветна преданайхь Ленин—Сталин—великая партиясон тевсонды.

Сядонга многогранвайкс арась комсомолть работа ВЛКСМ-нь ЦК-ть XI пленумонь решенияда и районной и областной конференцияда меле.

Первичный комсомольский организациянь и комитетонь лама секретархь энергичнайста кувдасть отчетно-выборной собравияда меле порученнай тейст почетнай тевти. Торбеевский райононь Насакина велень комсомольский организациянь секретарь Афанасьев ялгась аф лама пингта меле примась комсомолу 6 ломатть, Красаевкань комсомольский организациянь секретарь—5 ломатть и стак тов. Торбеевань районца сентябрь ковть эзда комсомолть рядонзонды састь 29 ломань, а Ромодановаса—22.

Рядок нят сатфксень мархта, сави, однака, азомс, што лама первичной организациянь и ВЛКСМ-нь райкомонь секретархь районной конференцияда меле тя тевти кярмодсть пяк калдявста, кода, например, С-Синдровань райкомонь секретарь (Головановась), Инсарань (Лосевсь), С-Шайговань (Дуденковсь), Рузаевкань (Соколовсь) и стак тов. Нят райкомтне и горкомтне сентябрь ковть эзда комсомолу примась 3—4 ломань, а Инсарань и Саранский ашесть прима фкявок. Лямбирень РК-сь мекольдень кварталть эзда примась аныцек 9 ломатть.

Тяфтама и тейст подобнай фактне коданга аш кода совместить комсомолть боевой работанц мархта, иба синь вятихь комсомолть эзда аф союзной од ломаттнень аэрфтомасонды.

Кровнай тевкс и васень очередной задачка комсомолти арси коммунистический духса аф союзной од ломаттнень воспитаниясна сяс, мес нят резерватнень эзда комсомолсь пополняет эсь рядонзон.

## Предоктябрьский СОРЕВНОВАНИЯСЬ

Рузаевка. Станциянь паровозоремонтнай депоса шиста-шис кась соревнованиянь од волнась.

Букин ялгась, работамок депонь кузнецекс, систематически пшкотькшнесы выработкань норманц 180—200 процентс. Тяни Букин ялгась суvasь предоктябрьский соревнованяти и сявсь Октябрьский революция XXIII-це годовщианц-ть подаркакс од обязательстват.

Аф сяда калдявста работайхь Куроедов и Резепов стахановецне. Синь выработкань нормасон пшкотькшнесазь 150—180 процентс и ашель работасост йофси брак. Работамок депоса, оцю вийса тюрххь СССР-нь Верховнай Со-

ветть Президиумонц июнь 26-це шистонза лифтьф Указонц эряфс йотафтоманц инкса.

\*\*\*

Инсар. (Телефон вельде). Районца комсомолецнень йоткса вишкста келемкшни предоктябрьский социалистический соревнованиясь. Сталинть лемса колхозсь комсомолецнень инициативасон коряс Великий Октябрь чествь 100 процентс аделазе государствати сьоронь максома планонц.

Оцю производственной сатфкс мархта васьфнесазь праздникть Инсарань сельпоть и Кр.-Шадым школань комсомолецне.

## СССР-ть и Финляндиять йоткса Аландский острофнень колга соглашениясь

Октябрь 11-це шистонза Москва СССР-ть и Финляндиять йоткса подписаннай соглашения Аландский острофнень колга.

Советский ширде соглашениять подписал Иностраннай Тевонь Народнай Комиссарсь В. М. Молотов ялгась и Финляндский ширде Москва Финляндиять посланниконц Ю. К. Паасикиви господинь.

Соглашениять васенце статьясонза корхтави:

„Финляндиясь обязуется демилитаризовать Аландский острофнень, аф кемокснемс синь и аф максемс синь иля государствань вооруженнай виенди.

Тя тяфта жа означает, што кодамовок учреждения или операционнай база, военной или морской, кодамовок учреждения или военной авиациянь операционнай база, кодамовок иля устройства, кодамовок ба улемс использован-даф военной цельс, не может улемс вантф или созданай Аландский острофнень зонаса, кода Финляндиять, тяфта и иля государствань ширде, а острофнень лангса артиллерийский установканди уликс фундаменттне должетт улемс машффт“.

Омбоце статьясь азондсы, што мезе эряви шарьхкодемс „Аландский островонь зонакс“. Тяса жа макссевич определения линияти и описания географический пункттнеди, конат ограничивают „Аландский островонь зонакс“.

Аландский островонь территориянай ведькс лувондовихть сят, конат отливть пингста аф фалу ведть ала ащи острофнень, острофкятнень и скалатнень эзда келемкшнихть морской 3 милень расстоянияс.

### Мордовский оперань либретта

Октябрь 9-це шистонза Мордовиянь писателень Союзса вавондовсь мордовский оперань либреттась, конань сьормадозь А. Куторкин писательть „Ламзурь“ поэманц коряс А. Куторкин и П. Гайни.

Обсуждениясь примась участия: орденоносец-сказительни-

Советский Союзи макссевича, корхтави соглашения 3-це статьянь эса, кирдемс Аландский острофнень лангса эсь консульствац, конань компетенцияцты, обычной консульствацнень функциядот башка, сувси Аландский острофнень демилитаризациясон и аф укреплениясон колга соглашениять васенце статьянь коряс эряфс сявф обязательствать йотафтоманц колга проверкась.

Стама случайхнень пингста, мзярда СССР-нь консульский представительс ладясьне обстоятельствоцнень, конат сонь мяленц коряс ащихть противоречивайкс соглашениясь постановленианенди Аландский острофнень демилитаризациясон и аф укреплениясон колга, сонь ули правац твемс финляндский власттнеди заявления марстонь расследованиянь производствать колга.

Тя расследованиясь йотафневи СССР-ть консульский представитель и Финляндиянь правительствать уполномоченнайнц мархта инь срочнай порядкас.

Марстонь расследованиять результатонза фиксировандакшневихь протоколса, кода сьорматкшневи 4 экземплярс—русский и финский кяльса и пачфневихть, эрявик мерань примамс, договаривающай кафецке ширдень правительстватнеди.

Соглашениясь сувси вийс эдакиге сонь подписаниядонза меле и подлежит последующай ратификациясь.

Ратификационный грамотань полафтомась йотафтови 10 шинь срокста Хельсинки ошса.

(ТАСС)



СНИМКАСА: Ванда Василевская,  
Фотось Щекутьевть. (ТАСС).

## Оцю мяль мархта молихть Ремесленной и Железнодорожной училищав

СССР-нь Верховнай Советть Президиумонц Указонц Государственной Трудовой Резерватнень колга Мордовиянь од ломаттнень йоткса васьфтьф оцю одобрения мархта.

Оцю интерес мархта лувозь тя законть Ромодановский райононь Сталинть и Тельманть лемса колхозонь комсомолецне, кода секретарьс работайхь Бакулинць и Жуковась. Указть и постановленианть лувомодот меле лама комсомолец макссть согласия тумос Ремесленной и Железнодорожной училищав тонафнема.

Пяк лама эрь шиня получакиши заявленияда Саранский ошень Советсь. Аныцек октябрь 7-це шистонза Саранск ошень Советонь исполкомть председателец получась 23 заявления.

Нят школатнеди желающада пяк и пяк лама.

## Колхозникне шнайхть трудовой резерватнень колга законть

3-Полянень районца лама колхозонь колхозник оцю мяльса приветствандайхть Государственной Трудовой Резерватнень колга СССР-нь Верховнай Советть Президиумонц Указонц.

Од-Выселка велень Калининь лемса колхозонь колхозникне и од ломаттне эсь марстонь пуромксост, кода участвовандасть 170 колхозник, оцю воодушевленияс обсуждандазь тя законть и лифтсь эсь мяльсон тонафнемс Ремесленной училищаса и Фабрично-Заводской Обучениянь школатнень эса. Тяфта жа обсуждандазь „Красный трактор“ колхозса (Зарубкина), „Марстонь вий“ (П.-Селища), а тяфтажа Анаюн МТС-нь рабочайнь общай собраниятнень эса.

Паршин.



## ЖУВАТАТНЕНДИ ЛЯМБЕ И ПРОСТОРНАЙ ПОМЕЩЕНИЯТ

### Жуватань поголовьять сяда товолдонь касфтоманц инкса

Партиять и правительствать решенияснон эса максфт исчерпывающей указанийт общественной жуватань волямасть сяда товолдонь вишкотеманц колга. Ня указаниянтень Ширингушский районь кой-кона колхозне пшкотькшнесазь оцю честь мархта.

Тяфта, например, „Валда эряф“ колхозса (Ачадова велеса) жуватань сембе ферматне вельф пшкотедезь жуватань водьяма государственной планть. Сяру жуватань планц колхозса пшкотьф 105 процентс, тувонь поголовьясь должен улемс 190 тува, лувондови 320 тува, или пшкотьф планц 168 процентс. 16 свиноматка вастс колхозсь кирди 29 свиноматка. Кафтонь крда пшкотьф овцематкань поголовьяське. 168 овцематка вастс колхозсь кирди 435 овцематка, или планц пшкотьф 225 процентс.

Тяфтам вельф пшкотедезь жуватань водьяма государственной планцон Тархан-Потымань „Путь к социализму“, Молотовь лемса (Од Бадиковань) и „Красная Мордовия“ (Жукувь) колхозне. „Красная Мордовия“ колхозть ОТФ-са учань поголовьянь планц пшкотьф 120 процентс.

Но рядок передовой колхознень мархта районца улихть и стама колхоз, коса жуватань водьяма планц аф пшкотькшневи. Тяфта, например, Горенский „Кзыл Юлдуз“ колхозса сяру жуватань водьяма планц пшкотедезь аныцек 24 процентс. 42 прят вастс сине кирдихть аныцек—11. ОТФ-са учань водьяма планц пшкотьф аныцек 63 процентс.

Эряви сембе вийса кярмодемс сянди, штоба жуватань водьяма планц пшкотедеманц кеподемс должнай серес, а тяди улихть сембе возможностьне.

Ф. Лесной.

### Цебярьгофтомс алашатнень мельге якамать

Подгорнай Конаковань колхозса работай председателкс Костановсь, кона колхознай алашатнень мельге ваномать и ответственность кадозе эсь отям молемати. А тьянь сюнеда колхознай алашатнень ламосна тапафт и аф кондяхть работама.

Кепотыксонди, октябрь 3-це шиста Н. Ф. Асташкинсь сявондсь алаша, конац стадонга тапафт, а сон нинге сядонга пак тапазе и тяди алашась аф кондыти кильдемса.

П.-Конакова велень комсомольский организацияти эряви тевсь сявомс эсь лангозонза и цебярьгофтомс колхознай алашатнень и лия жуватанень мельге якамать.

Ф. Аношкин.



СНИМКАСА: Ковылкинский районь „Память Ленина“ колхозста колхозницась од стирнясь Гусарова ялгась. Телятникакс образцовайста работанц инкса кемокстаф 1941 кизонди ВСХВ-нь участникомди кандидаткс.

Фотось А. Ивановть.

### Жувататненди образцовой зимовка

ВЛКСМ-нь обкомть V-це пленумонц обязал сембе комсомольский организациянтень примамс активной участия республикаса жуватань поголовьять касфтомаса. Анаева велень 1-це майть лемса колхознай комсомольский организациясь кемоста тюринят указанинтень эряфс йотафтомаснон инкса. Колхозса комсомолецнень активной участияснон вельде жуватань сембе помещениатне петьфть образцовайста. Жувататненди обеспечиндаф лямбе зимовка.

Но районца улихть нинге комсомольский организацият, кода Каргаша велеста Куйбышевть лемса, „16 парт'езд“ Студенецкий велень советста и „Марстонь вий“ колхознень эса комсомольский организациятне кодамоков мьяль животноводствать ширес аф шарфнихть.

Нят велень руководителхненди пивге ни шарьхкодемс, што животноводствать ширес тяфтам отношении сюнеда сине мзярдонга аф пшкотедезь жуватань касфтомат плавть.

### Сисем кизот фкя работаса

Я. В. Машковсь Уголоконь „Парижкая коммуна“ колхозса лувондови фкя иньцебяр колхозникос. Сисем кизот сон работай колхозса конюхокс. Аныцек мекольден кизотнень Машков ялгась касфтсь колхозти 15 ваченя, конатнень эзда фкять примазь Якстерь Армияв.

Машков ялгась пак кельксы эсь тевонц. Колхозса инь справна алашатне—нят сембе сонь,—тяфтапт ухондонц результатонза.

Тевти тяфтам цебярь отношениат инкса Машков ялгась ламоксть ульсь правленийт ширде казф.

И. Паршин.

Зубово-Полянский район.

### Мзярда ули кочкаф учком?

Лама школава работань практикась няфтезе, што ученический комитеттне максихть оцю лезкс педагогический коллективти школатнень эса успеваемость кеподемаса и дисциплина кемоқтамаса. Однака, Сире Синдровань районца улихть нинге школат, конат нинге тянемс недооценивают ученический организациянтень.

Колапань аф полной средняй школаса учком нинге тянемс аш, сонь обязанностензон путозь учительхнень лангс. Нят учительхне, хотя и сьорматкшность эрь класса внеурочной работань колга платт, но фкявок пункт сине эздост лацрядс аф пшкотькшневи.

Первичнай комсомольский организациять секретарь Ломакин ялгась аф весть мярьгондсь школань директорть Почиков ялгати ученический собраниань пуроптомат колга, штоба кочкамс ученический комитет, но сон тевть шири аф шарфни кодамоков мьяль.

ВЛКСМ-нь Сире Синдровань райкомсь должен лездомс Ломакин ялгати йотафтомс эсь школасот тя мероприятия.

Мамина.

Сире Синдровский район.

### Американский граждантне аноклайхть кадомс Дальний Востокть

Печатень представителхнень мархта беседата США-нь государственной секретарсь (США-нь иностранной тевонь министрсь) Хэлл азозе, што американский правительствась ванондсь тиньнен пивгть Дальний Востокста американский граждантнень эвакуацияснон инкса дополнительнай парохонь кучемат колга кизефксть.

Ассошиэтед Пресс агентствась пачфни, што лама американецт аноклайхть Японияста тумати. Аф 250 американецта кржа ломань рамасть ни пароходу вастт.

(ТАСС)

### Норвегияса од закоттне

Кода пачфни шведский печатсь, трудть организованцаманц колга Норвегияса издайнахть правительственной лама постановленийт. Нят постановлениянтень коряс сембе безработнайхне обязатт регистрировандафтомс пряснон государственной оргаттнень эса. Лицатненди, конат работайхть велень хозяйства, вичень промышленностьса, калонь кундсема промысла и мореплаванияса, социальной обеспечениань министерствать особай разрешенияфтома полафнемс эсь профессияснон аф мярьгондеви. И итневок, конат эряйхть кудса и аш кодамоков профессиясна, обязатт работамс сяка жа работань отрасляса, кодамса работайхть сине родительсна.

(ТАСС)

### Лондонца японский учреждениянтень эвакуацияснон колга

Кода пачфни Ювайтед Пресс агентствась, японский иностранный тевонь министерствась мярьгсь сембе японский банкненди и фирматненди максомс распоряжения лондонский эсь отделенияснон Лондонца эвакуацияснон колга. Тя мерась азондови „войнать сюнеда Лондонца сембе операциянтень лоткафтомаснон инкса“.

(ТАСС)

Ответ. редакторсь И. ЧУДАЙКИН.

### Кода шачсь религиознай праздниксь „покравсь“

Церковнай религиознай праздникть „пократь“ историяц трудящайхнень васькафнемаса ащи фкя инь яркай примеркс.

10-це векть ушедкстонза Византия лангса правил Лев VI. Византийский империясь ся пивгть ульсь стака кризисса: северста сонь лангозонза тиендсть нападения славятне, востокста и юго-востокста—арапне; странать эса кассь закрепощеннай крестьянтнень и ремесленникнень выступления землевладельцнень и чиновникнень каршес. Народнай массатне аноклать прят эсь угнетательснон каршес ожесточеннай тюремат.

Императорсь сембе вийса старандась, штоба афоль уле восстания. Арапне кенордасть использовандам византийский правящей верхушкаты затруднительнай положениянц и эцест Византияв. Эйфнеф Лев VI шарфтсь лезксонкса духовенствати и вешсь, штоба отвлечь аф довольнай народнай массатнень выступления эзда и

тьождафтомс тейнза арапнень каршес тюремат.

Церковникне макссть лезкс императорти и тисть столичнай Константинополь ошса „чуда“.

Ся пивгста Константинополь ошса эрясь кодама-бди „юродивай“ Андрей, конац церковникне тиендезь „святойкс“. Тя „святойс“ сидеста яксекшнесь ошень ульцятнень эзга, кода мярьгондихть, „мезьса тядяц шачфтозе“.

Церковникнень мархта тонафт Андрейсь везде ушедсь азонкшнем „чудеснай видениять“ колга. Сон, бта храмса служба пивгть 910-це кизонь октябрь 1-це шистонза, нийсь воздухста „богородицать“, кона келепнезе эсь вельхсонц (кели лентави) сине инкса, што „боже матерьсь“, ваны столицать вельксса, империять и императорть вельксса и, кда тиеви несчастья, то максы тейст лезкс. Церковникне вишкста кармасть распространять эсь мархтост жарьсеф йофксть „чудать“ колга, и сонь вельденза аерфтомс аф довольнай народнай массатнень эсь угнетательснон каршес тюремат эзда.

Тя „чудать“ мархта сембе поповский махинациясь ульсь курок лифтьф лангу и Константинопольнень церковникнень ашель мьяльсна тиесм тя „чудань“ случаяста

особай праздник. Но Русьса христианствать сувафтоманц мархта тяфтам праздниксь ульсь тиф. Лемдезь сонь „покравкс“ и кемокстазь октябрь 1-це шинцты. Тя праздниксь ульсь тиф сине инкса, штоба внушандакшнемс веруошайхненди, бта „богородицась“ мевельста вяти покровительства оцязорхнень и княснень лангса и ванфтсьне сине внешний и внутренний вракнень эзда. Тянка, бта и, оцязорхнень и княснень каршес тюремась „грех“, мезенкса „богородицась“ кемоста наказатанза.

Нинге тининге улихть трудящайхть, колхозникт, конат праздновандакшнесазь „пократь“. Лама веруошайхть тя праздникть эзда аф лисендихть работама, пьянствовандайхть. Покравть празднованца сюнеда работама аф лисемась канды колхозти оцю ущерб. Сидеста тьянь сюнеда эрьси, што кадовихть ловть алу апак урядак перень сьоротне, кирфневи сьоронь тьялмась и стак тов.

Эряви келиста азонкшнемс тя „праздникть“ нелепостенц и вредонц, кона думандаф церковникнень мархта трудящайхнень васькафнемаснон инкса.

Н. Румянцев.